

一支瀾濃个油紙遮仔

一支瀾濃个油紙遮仔
慢慢仔，慢慢仔旋轉起來
青山綠水相合鬥陣
唱一條無法度毋記得个歌
風雨歎彈句句思念
一支瀾濃个油紙遮仔
是一本故鄉个詩冊

一支瀾濃个油紙遮仔
有古樸个皮膚
故鄉个屋仔樹仔同故事
一坵一坵種在佢个身項
該搭內肚有綿延个根
膠川流不息个愛

瀾濃个油紙遮仔啊
在佢个頭那頂
掀掀轉，掀掀轉……
瘦夾夾仔个扞籬骨
挺直直个頸根
抵擋熱燐燐仔个煩惱
安慰佢的慍悴
佢係佢个阿姆

一支瀾濃个油紙遮仔
時時倒去倒轉，環環轉
從佢細个時節到大漢
毋管落雨無落雨
無論日時也係暗時
遮仔骨輒輒展開開
盡少將身體放冗（ngiung）

瀾濃个油紙遮仔啊
 枝骨撐過核 (go' hed`) 了
 已經脆脆無再硬程 (ngang cang`)
 遮仔面旋轉過度了
 也係弛弛仔無恁光滑
 師傅講，線脈毋順著用攣
 扞籬骨朽去不如換新
 佢係偃个阿姆啊
 現下偃乜係一支遮仔
 在手術房个外背
 捩捩轉，捩捩轉……

一支瀾濃个油紙遮仔
 在手術房修護
 一支現代的布遮仔
 在雨水涔涔个窗門脣項起福
 神伸手按等偃个頭那頂
 布遮仔个波動个心
 慢慢仔，慢慢仔平靜

在蓋遠蓋遠个記憶裡肚
 扞籬骨撐開一列列生命个田塍
 一支瀾濃个，披蓋風霜歲月个油紙遮仔
 敢有法度重新展開，揸等歲月个拳空？
 神靈溫柔淋落偃渴望个心肚
 展開歸大片个庇蔭
 佢係最大个一支油紙遮仔

擎頭，往事在曲盤內肚旋轉
 偃个目汁從布遮仔流下來
 阿姆啊，故鄉該頭百年遮仔樹還係青柳柳
 該兜苗竹乜係一片蔞塞塞
 若个油紙遮仔定著會修理完全
 心肚愛放冗，毋使愁恁多



作者感言
王永成

誠歡喜著獎，多謝評審肯定。